



Boppo Burggravius Herbipolensis optimis literis institutus, atq; insigni pietate et prudentia fuit praeditus. Itaq; cum Burckardus secundus eius nominis praesul anno 941. esset mortuus, Otto magnus Imperator hunc Bopponem Vvurtzburgensem Episcopum constituit. Poppo itaq; cum intelligeret feros hominum mores literis melioribus mansuescieri, insignem nobilium scholam in sua ditione instituit, atq; parētes sedulo hortatus est, ut pueros suos eò trāsmitterent. Elegit etiam pios & doctos praecipitōres, qui nobilem illam iuuentutem optimè in literis & uirtutibus educarēt. Itaq; factum ut multi celeberrimi uiri ex

ea schola hinc inde ad ecclesiarum et rerum publicarum fastigia peruenerint, inter quos S. Vuolphgangus praesul Ratisbonensis, & Henricus Treuerensis Archiepiscopus fuerunt. Hacq; ratione magnam apud Germanos laudem meruit, & cæteris Episcopis instituendæ iuuentutis exemplum praebuit. Monst. lib. 3.